



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ

ՂԵԿԱՎԱՐ

ք.Երևան 0051, Կոմիտաս 49/2, Հեռ. 060 68 02 12, թեժ գիծ՝ 8520, Ֆաքս 233600, էլ. փոստ: info@msib.gov.am

N 452/23 Ջ

/ 20 / 07 2023թ.

Ո Ր Ո Շ ՈՒ Մ N 03

վարչական վարույթ հարուցելու մասին

19 հուլիսի 2023թ.

ք.Երևան

Հայաստանի Հանրապետության շուկայի վերահսկողության տեսչական մարմնի (այսուհետ՝ Տեսչական մարմին) ղեկավար Արմեն Կոտոյանս, քննելով «ՎԿ ԳՐՈՒՊ» ՍՊԸ-ում ստուգում իրականացնող տեսչական մարմնի աշխատանքին խոչընդոտելու վերաբերյալ Տեսչական մարմնի չափազիտական կանոնների և նորմերի վերահսկողության վարչության պետ Ա.Երանոսյանի 17.07.2023թ. զեկուցագիրը և կից նյութերը.

Պ Ա Ր Զ Ե Ց Ի՝

Տեսչական մարմնի ղեկավարի 2023 թվականի հուլիսի 04-ի N 485-Ա հրամանով Տեսչական մարմնի ծառայողներին հանձնարարվել է իրականացնել ստուգում «ՎԿ ԳՐՈՒՊ» ՍՊԸ-ում, սակայն «ՎԿ ԳՐՈՒՊ» ՍՊԸ-ի տնօրեն Արամ Հաբեթի Պետրոսյանը խոչընդոտել է ստուգում իրականացնող պետական մարմնի աշխատանքին, այն է՝ ՀՀ շուկայի վերահսկողության տեսչական մարմնի ղեկավարի 04.07.2023թ. թիվ 485-Ա հրամանով իրականացվելիք ստուգմանը, չի կատարել ստուգում իրականացնող պաշտոնատար անձանց օրինական պահանջները, հրաժարվել է տրամադրել ստուգման նպատակներին անմիջականորեն առնչվող փաստաթղթեր, տվյալներ, չի ներկայացել ստուգման վայր, չի թույլատրել Տեսչական մարմնի ծառայողներին ստուգաչափված գազի բալոնով և կշեռքով

լիցքավորման քանակի և վառելիքաբաշխիչ աշտարակի էլ.հանգույցի ցուցչի համապատասխանության ստուգում իրականացնել, որի վերաբերյալ Շուկայի վերահսկողության տեսչական մարմնի ծառայողների կողմից 17.07.2023թ.-ին կազմվել է ստուգում իրականացնող պետական մարմնի աշխատանքին խոչընդոտելու վերաբերյալ արձանագրություն, որով էլ հայտնաբերվել է իրավախախտումը:

Հիմք ընդունելով վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի բ) կետով և 3-րդ մասով, 34-րդ հոդվածով և 35-րդ հոդվածի 2-րդ մասով.

Ո Ր Ո Շ Ե Ց Ի՝

1. Արամ Հաբեթի Պետրոսյանի նկատմամբ հարուցել վարչական վարույթ Վարչական իրավախախտումների վերաբերյալ ՀՀ օրենսգրքի 182¹-րդ հոդվածով սահմանված սանկցիայի շրջանակում:

2. Սույն որոշումը կարող է բողոքարկվել վերադասության կամ դատական կարգով «Վարչարարության հիմունքների և վարչական վարույթի մասին» ՀՀ օրենքի 71-րդ հոդվածի 1-ին մասի «ա» կետով սահմանված ժամկետում (երկու ամսվա ընթացքում):

3. 19.07.2023թ. թիվ 03 որոշմամբ հարուցված վարչական վարույթի քննությունը նշանակված է 31.07.2023թ.-ին, ժամը՝ 12:00-ին ՀՀ շուկայի վերահսկողության տեսչական մարմնում /Հասցե՝ ՀՀ, ք.Երևան, Կոմիտաս 49/2, 2-րդ հարկ/:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ